



集部

死之日三人二十 空龍疎慢晓寒清小醉醒然不作醒歌枕誰能尋斷 更煩一鼓為扶頭 ·夢尋仙子訪灑洲怨入春泉遠指流酒病着人無物解 欽定四庫全書 忠正徳文集卷六 七言絶句 正月十八日枕上 聽琴次退翁韻 忠正德文集 宋 趙鹃 撰



尋師查隔蓬萊水煉藥長懷勾漏砂聞道高人銜笑此 嚴前老盡碧桃花 靈龍夜吠千年木丹門光騰九轉砂鶴取雲軒竟何許 直使淵明醉後歸 誰是繙經清净伯好煩杖優過前溪不如多置前**益**酒 春風無處不開花 **ジェ** ひ・・ /・・ 老妈折山櫻 次韻止老見贈 枝觀其開落 忠正恵文集

坐看餘香作雪飛春風猶戀折來枝何如就賞芳叢下 留到丹九結實時 男兒要自勉功名 其因飲啄傍人飛 山林是處有依棲及此秋晴與婦歸隨分謀生何厭拙 初無熟德在生靈徒以遊談致上卿血食官祠尚子 登第西婦過甘羅廟題詩壁間 有送生鸠者放之使去



鑿井耕田一事無 五げ ロームとき 幕中年必盡長才 蕭生雅意定何哉何復留情任刺裁但把一 王塵逍遥岸萬中鸞致實瑟奉清搏 何似棲棲金馬門 進思閣衙 吏隱堂 頒樂堂


客右不無鸚鵡才 堂上新音錫照開坐沒和氣入樽墨已應後聽漁陽搀 香風百英錦江秋片斷明霞晚不收幕府諸郎總清 苦逢兒單議才疎 玉山顏倒其來扶富貴功名不讓渠文舉平生一樽酒 ジェンコ・ニケーショ 樽相與最風流 紅雲閣扇 賞心事 Ū 忠正德文集 œ,


元龍高與絕塵寒笑傲敢坤眼界東斥點點鵬俱定 亦在先生几条問公當除知河中不到名 行藏何用倚欄干 有美東吳勝事繁醉翁遺恨阻踏攀只應名間山河秀 吟勝 奈此何臨高懷遠足悲歌若教盡寫凌 逍遥樓 名聞堂 白樓城

次至日本書 滿然一 去作凌烟大丈夫 要看妙語落氷霜 閣即君語更多 告魚雖老著書一生冷淡笑這儒何當馬上提三尺 一枕北總京與取旗青發嫩香淨洪西州羊炙口 建安堂以茶 文瑞堂存無繪雜退之柳子厚司 必種軒 忠正德文非 Ā

此君風度固蕭然誰解招邀到此軒要識維摩真面目 支離瘦骨寂無言 柯青海盡衣冠 戈險阻恃河關禍亂相尋一轉九千載太平歸有道 妻子笑謀生 弘浩從横蚤歲動勞費於 種學軒 河山閣提刑 半耕納袴儒冠定誰飽

諸生毋消腹便便 酸寒莫作子飲肴 窮年兀兀宪遗編聖處工夫也自賢政苦盡鹽食不足 笙蕭聲斷一盃殘翠袖雲髮共倚欄要籍餘陰清晚 たらし 日から とこう 時相見萬夫雄蔓草荒陵劔甲空争戰百年無處問 精思軒 竹軒行香院府官 · 門時世宗駐軍於此故謂之南衙北閣... 忠正德文集






那與人 振蹈鳴鑾萬馬環悲歌應鄙 面香風落磨聲少陽樓殿更分明達萊弱水端難到 **天荣光夜燭天** 八将軍竟不便脫身 人間作化城 1 鐵佛寺寶山 行慶關 李園城南李武臣累典邊郡 卷六 漢樓船關頭老吏親曾見

欠さることは 跳珠濺雪淌空嚴疏滌心靈與氣嚴彷彿瑶臺明月 無限英雄落穀中 鬱欝亭前三四松蒼髯疑是採芝翁歸飲其作終南卧 開對酴醿 佩環聲在水晶簾 此君亭萬国 逍遥亭 深玉亭夢在 醉休 TI, 栖 忠正徳文集

肠斷青鹭 旅書 此君無乃太清寒 循項赤鯉渡滄溟 冷然我欲御波行身世由來水上洋好笑安期空狡獪 觀零誰復問平安只得此人冷眼看流水空山雲暮合 月下何人唱求虚如聞仙子好樓居五雲縹緲星河閣 イグレアイニー 王母觀 御波亭

壁月沉沉過女墙時聞桂子落天香三山碧海無消息 却從直下看星河 鹊飛為科月臨波仿佛天孫鄉夜梭卷畫織雲風不動 Cold Direct As also 要與青山共此觞 老去沒身百戰場原聞皷吹奏西京憑君刺把珠 涵 虚 閣城 南平盛在其侧 面山堂善教寺面山堂郡人劉 Ų 忠正德文集

志士狗來惜少陰青銅那覺二毛侵留連春色一 雙熊歸飛秋色於 金牙口尼己言 誰能收拾賦離睡 正是柔桑葉落時為落酒請 斷無車馬訪開曹背暖兒童龍抑極嘆息深林有願惠 冱露低煙擬怨誰凄然亦自惜餘安無人為買清城酒 和通守王元美二絶句 虞鄉道中前



滿眼西風恨別離路逢蕭寺叩崇扉風樂 便能平地作波涛 更覺前謀種種非 問此生何以歸 恭竹树晓生寒病怯秋彩夢易開欲程 聽漁皷吼空山 人家鶏泰時解鞍那服拂塵衣官遊無况田園薄 解梁別李氏女子晚宿静林寺 秦六 聽無生話

二十四橋風月秋 次定四東全事 黄紫西風薄落寒 錦纜牙檣一夢愁行人空擊木崩舟玉備吹斷青樓鎖 只恐黄花解笑人 月征移困路塵一樽芳酒設情觀心知不是陶彭 楊州秋草殘竹西亭上曲欄干而令那復聞歌吹 客含重九 楊州竹西亭 TO S 忠正德文乐

此是人間第一泉 小落空江淡夕霏疎蓬一葉並漁磯秋風幾許等鱷與 尺城中膏火煎空山竹柏固蒼然贈君盃酌清心骨 風吹雨夜瀟瀟冷燼殘香共寂寥要作秋江篷底睡 欲臨流與渡歸 大明水 兩夜不寐 秋江晚渡

藏柔醉拙小梅花顧影嬌春玉鳳科不覺應前三尺雪 暫教楚客作花看 管邱圖盡展霜綃眩轉寒光鑑影搖更待東風開夜色 欠日日 公島 正宜總外有芭蕉 明洛水斷水消 知門外月波寒但覺樽前酒量寬向道東風其吹去 次韻退的雪中書事 泊秦淮雪中一絕 1 忠正德文集 ナニ

金グロノと 濕雲殘雪冷侵天 筆頭造化渺無邊間道春來思湧泉定向山臺得住白 夜風萬里卷龍沙 西風吹面浪如山却益寒沙夜繁船兩日不能離故處 瀟瀟即聽打胞聲 章臺走馬最多情不怕春衫撲粉英半夜歸來寒夢短 間岐路敢争失 阻風田舟泊新河口飲李氏酒肆後軒

試竟黄公舊酒爐 滿眼豺狼兵火餘我令那服哭窮途青鞋踏雪江南好 端為疎蓬夜枕寒 ステランコー 腸斷東風杜宇聲 雨過平田雕麥青春深桑柘暖煙生恍如身在瀾洄曲 節愁聞上水灘江流東下計艱難青帘招我非無意 泊柴家灣風物宛如北上 三衢多碧軒 忠正德文集 ナ

枕上煙嵐萬叠秋 金少江几二 經年遊官嘆雄羣相見提揚數候門 為言秋屬點霜華 條山泳水是吾家君去重開滿院花邂逅故人相借問 須歸辦酒盈樽 生愛山心不足寸碧已復明雙眸暮年得此幽棲地 将至常山先寄諸纫 送張京與之宰解縣 笑相看即無事

灭定四車全書 坐看邊原蔽日光 請君少待鹽風來 棲避出處略相同握手論情一笑逢便作他年林下約 長堤百里並山回漫漫滄波鑑影開要看天工種明玉 浩浩顛風塵四合漫漫后土水平流無人舉手披雲霧 曾謁祥曦羽蓋黄天衣紛擾御爐香蒙塵草莽干戈隔 樽相對兩度翁 次明仲韻 忠正德文集 古

塵沙渺渺暗城樓心切堯雲淚欲流慷慨 也作江南第二人 請即誰是舞陽侯 却放晴暖照九州 四海茫茫擾戰塵宣無賢俊共經綸可憐億父今頭白 更堪詩思攪饑腸 年春事到耕桑遼絕鄉山恨渺茫清夢不成風雨夜 除吏部即題建康省中直舍壁 危戲下酒

欠タラニニニョ 縹鄉行雲何處尋 滿馬塵埃嘆滞留空勞魂夢遠南州湧金亭下煙波潤 武陵歸棹幾重山回首滄波鎖落煙一寸愁生千萬般 東風春水湛晴天斜日平林畫素煙不會浮雲亦多事 小圃來時春向深酴醾猶得伴孤斟欲留午枕夢歸去 可能容易付湘經 、将飛雨過山前 役所書事用山谷觀化韻 Q 忠正徳文集 九

坐對著崖百尺泉 山色於人定有緣髻髮眉黛巧争好何當招我白雲下 暫留身在廣寒官 臺髙山遠淡如無愁極羈人 飛橋跨岸飲晴虹雲散風微水月空日日塵沙困鞍馬 夜凉波面湧金霞坐覺天香落桂華便合冷然御風去 **那作西湖** シリレルニニ 川何待七盃茶 段秋 北江 任東風吹鬢髮


除却醉鄉非洞天 風堕何能續斷紅只憑樽酒送彫年仙人示我長生術 浩荡東風卷送春嬌鶯雞熊設争新此心自有青山約 昨非今是若為論有處悠悠出岫雲老鶴乗軒本無意 只有淵明會此心 臣學平生着意深要從黃老古人尋功名富貴非 何妨飲啄混鷄羣 瀟蓬茶不禁林

欠足四車三二

Į

忠正德文集

さ



次三马車全百 點點春愁枕上來 曾 看結子欲黄時 短棹送隨海浪田通明堰下小徘徊東風吹落篷意雨 正是風霜作惡時 及見春光爛漫時 玉瘦香寒不自持滿然冷藥暗跡枝向來幾許開於 天與清芬心自知叢林深處出纖枝發明無限春消息 自四明田越宿通明堰下 N. 忠正徳文集 ナセ

仙官新拜舊詞臣林下相逢又一人勿謂滄浪消可濯 此心原自絕纖塵 丝林風雨夜蒼凉 於世無功懶據鞍誅茅種竹老空山不應天與節 自是人容拙者閉 查春色玉生光最愛罪靠遠鼻香淺醉不禁衣袖冷 無题 **彦文携玉友見過出示致道小詩因次其韻** ¥ 灰足の事人こう 戎馬塵埃兩鬢霜 吳九何如黄四娘能令詩老醉顛狂可 五更孤批角聲中 風流俱是謫仙人 頭挑取 勇世竟何窮急電 再書一絕 元長調仲長彦文贈以樽酒 一壺春要使朱顏日日新何必務山尋賀 Ų. 忠正德文集

養年身計酒的蘆定是前身劉野夫他日爛柯山下見 只有寒梅是故人 曳杖山間自探春雨餘梅意已清新兵戎草草傷淪落 種柳裁花舊惜春不知春色為誰新年年青眼樽前客 醉花前有幾人 部黑髭鬚 范元長寄 示劉野夫滿庭芳曲因用其語戲呈 次韻元長觀梅三首

穿雲渡水寂無人 をとうしている 梅花應似去年開 **歸來醉**然一 林風露夏鷄鳴 樓春睡原都城車載喧喧枕上聲此夜客情還 紙平安信開道黃尚春已來傳語吳生好看客 枕上 建康得家書寄元長觀梅詩因次其韻 人枝春照影凉蟾過雨新不似朝陵 1 也正德文法 九

虚總午夜月朦朧推枕蕭然百念空更問幽人洗心法 不在功名富貴中 老去人憐百病攻平生感既竟誰同須知 丘グレノニ 年魂夢水聲中 我疎慵不讀書 枕藤床一室虚松風瑟瑟夢驚餘破牕猶有流螢 夢覺 泊白鹭洲時辛道宗兵潰犯金陵境上 一點懸脈

脫述干戈幸再生時時心折夢圍城南來客就能安否 沙洲白鹭英驚飛 城頭傳令揮軍壓城外行人淚滿衣處處悲風吹戰 アナー ニー から 醉卧船舷一 人作江湖盗賊驚 、湍滄江風水清沉沉氷鑑照孤城何人心緒猶. 泊盈川步頭舟中酌酒五首 不得入 一笛横 忠正息文集 丰

蒼蒼烟畫千巖秀 風流千載謝三郎 金少四是人言言 此身已是捕魚郎 恨無幾竹倩孫郎 飛楊跋扈今安取放浪酣歌亦所長曾醉西湖春色否 空龍影照琉璃滑鴻洞聲傳鐘鼓長便買扁舟 那知亂後年光促但覺春來酒味長炯炯新蟾照人 聲江上問諸郎 泛泛花流一水長會向武陵

雕水秦雲是我家 賀監湖邊樹樹花東風隨意作紛華那知老守懷歸切 要令四番識周郎 ペニンマロエンド 來看錢塘八月潮 次功不在干戈衆和議元非計策長聞道搜賢編南 掃湖湘氣浸消坐令愁嘆變歌謠何當早駕風炽 丁酉春紹與書懷 知紹典西字當是已字之誤 て卯秋聞右相平楊么作絕句寄之 忠正海文集 辛

金少四人之意 赞毛良 城病支離 堂前發樹小桃枝曾看芳英落酒色要識當時花下客 去折山頭十丈蓮 風流幕府固多閉冷落曹司絕往還舉酒高機誰作伴 美城南 苑路迷衫裁白舒馬如飛月明洛水黄昏後 **裁亭高一望問煙霞縹緲揖飛仙請君直跨剛風騎** 妨借取華州山 送張汝霖糾左馮翊六絕


春年樂裏最關心 甕面浮酷玉雪光陷中猶帶漉時香何當分我服餘味 試發樽前舊態狂 てきする ないす 猶有遊人與渡歸 更将苦語話離腸 八離瘦骨怯寒侵霧雨溟溟山更深醫國無功還自治 時三輔盛他邦白面青山意氣即落魄朋遊那復問 病愈 忠正德文集 主

金牙口尼人工 與君相伴老山間 老矣潮州韓吏部餘後渴飲似當年明明月夜長相照 其怪無書寄大顛 雲山環合户深闊中有此人竟日開好在窓前數字 獨坐東軒 吉陽寄李泰發 潮陽容老出游風淅過泉南當調湯老禪師 寄四句偈

郢 畫家慶圖中老來堂上競祝翁遐壽喜氣歡容光生下 海風吹浪去如飛離母山高日出逃此意此情誰會得 因書寫與故人知 破新正春到五菜堯賞弄芳初秀剪絲然膏爆華 香霏金獸 **解組歸來訪漁絲朋友華髮蒼顏任從老去但此情** 5 詩餘 醉達菜樓 1111 **誰會高情淡然聲利一笑塵寰萬緣何** 起正意文系

電け 正が 全書 吹簫舞隻鶴醉蟠桃 空龍簾影隔垂楊夢回芳草池塘杏花枝下 依舊歲歲年年花前月下一樽芳酒 暗香飄 約形霞降紫霄是仙子風標網裙明那響瓊瑶散馥 盡堂春春 無歸 果為人生 强理雲 髮臨照時彈粉淚沾裳自憐容艷 小春十月寒稻淺粉弄梅梢春樓風月待 一蝶雙雙春

火戸四年 こら 芬醑留得青春住 青春不與花為主花正開時春暮花下醉眠休訴看取 去苦匆匆 春歸去 鶯愁蝶怨春知否欲問春歸何處只有一樽 流光無限思量 一月正當三十日愁殺醉吟翁可奈青春太無情甚歸 醉桃園春 少年遊送春 共君今夜不須睡樽酒且從客說與樓頭 忠正德史集



天定司事 公告 風露 織兒有許多言語 觸珊珊寒玉更欲題詩晚來孤與却恐傷幽獨不如花 清嘯休把離職讀運留歸去月明猶掛喬木 **對霞收盡黃昏兩梧桐疎树簽籠不卷夜沉沉鎖一庭** 初熟卷白千傷須勘我洗此胸中榮辱醉揖南山 梅芳酒相屬 賀聖朝 天涯人遠心期夢悄若長宵難度知他窓外仍 Į 概念故國風流楊花春夢短黃孫 忠正德文集 圭 一聲

重 付與更堪春思紫雜緒 盡日東風吹綠樹向晚輕寒數點催花雨年少凄凉 咳哑中 斷黃金縷機下水流何處去憑欄目送蒼雲落 -端紅翠造化工夫春有意雲夢涵胸好去蓬山十 天街追騎催喚詢仙况樣醉電掃雲空百斛明 减字本蘭花起開因以送之 蝶戀花河中 ニニ 卷六 臨水高樓携酒處首倚哀弦

|竟消目斷屆山路曾送雕鞍去而今留滞古燕京還是 採藥當年三徑只有長松緑竹霜吹晚蕭然舉酒島奏 動人在玉壺東我唱君起舞要把嫦娥留住相送 上彷彿揖羣仙 屋下疏流水屋上列青山先生跨鶴何處杳窕白雲開 ペーラー シー 殘 醉矣 拂衣去一笑 渺人 褱 虞美人令选信道身 · 問歌頭你人用十五日夜 轉銀漢飛實盤溢清寒金波萬頃不 己正德文集 テな

金月口屋全香 **茅為我補東籬會待新春殘腾也來歸** 雪 春色遍天涯寒谷未知消息且共 瓇瑶宫闕 樽芳酒送君行 太平遺老洞霄翁相對兩華髮 韻次 前 /投老未知休息却 過元長酒中鴉酒 吾廬好在條山曲三徑應蕪沒 梅芳酒看東風飛

雪 清伊雙闕 CA. 6. - 1.2. 雪 煙霧鎖青冥直上九關 三山神闕 姓鼻端香方寸浪平風息汲取玉池春水點紅爐微 年來都以消相好尺退進是髮却道醉鄉深處是 樓高處望天涯 前再版次 前.再 韻次 忠正隐文体 息姑射有人相挽堂肌膚 林山如髮只有舊時凉月照 ニナと

金少にたる言 記得當年全盛時 客路那知歲序移忽驚春到小桃枝天涯海角悲凉地 分明 塵埃城闕 嘭 騎鯨却下大荒來天風亂吹髮慨念故人 覺華胥夢回首東風淚湍衣 鷓鴣天 望海潮八月十五 促回瀾奔注茫茫凝雨飛沙 逢客裏 花弄影月流輝水晶官殿五雲飛 **基** Ð 霜凛剱戈風生陣 八非是

依舊奉龍怒卷銀漢下天涯 雷驅電機雄夸似雲垂 鵬背雪噴鯨牙須更愛滅天容水色瓊田萬頃無瑕俗 馬如聞萬數齊機兒戲笑夫差漫水犀強弩一戰魚蝦 眼但驚暖試望中彷彿三島烟霞舊隱依然幾時歸 征偶奈雪深天更遠 泛靈槎 秋光向晚歎羁遊坐見年華将換一紙素書擬託南來 河傳教使 東窓皓月今宵淌淺酒芳樽暫 忠正德丈集 テハ

倩嫦娥伴應念夜長旅枕孤衾不暖便莫教清影轉 金しくしいん 碧雲深 惜別懷歸老不禁一年春事柳陰陰日下長安何處是 限恨日暮天長 危樯寄我相思千點淚真週滿相 霜露日凄凉北馬南翔驚風吹起不成行吊影滄浪何 浪海沙小 日會飲 浣溪沙玉灰那 生二世 已恨梅花球逐信休傅桃葉怨遗音 為爾惜流光還是重陽故人何處穢 一醉声

金體水酸名 灰色日草 红日 交情似舊 世態浮雲易變時光飛箭難留五年重見海東頭只有 早乞身歸對青山沉醉 花光燭影春容媚香生和氣紛紛兒女拜翁前勘犀樽 風分手去兩驚心 賀聖朝四日成成 西江月故人別 未盡别來深意難堪老去離愁青山迢遍 7 凌煙圖盡王候富貴非翁雅意願翁早 忠正施文作 荒

空山兩過月色浮新釀把盈無人共心賞漫悲吟獨自 撫斷霜箭選就沒秋入孤衾漸典 水悠悠明日扁舟病酒 西風一夜瀟瀟弄球響奈此九田肠萬斛清愁何處邀 天樣縱雕水泰雲阻歸音便不許時間夢中尋訪 云來歸去來昨夜東風吹夢回家山安在哉 洞仙歌 とこ; 琴調相思令調師 卷六 可憐窓外竹不怕

友定四章全事 付酒開愁多腸九廻 忠正德文集 手

				 	シャノ
					Ľ
					んんご
					7
					7
				ì	卷六

欽定四庫全書等

忠正德文集卷七

磨録貢生臣 勝録監生臣 華松雲

那

墉

詳校官庶吉士臣翁樹培

侍讀臣孫球覆勘

欠を四ちんこう /是日遭劉正彦以所部兵從皇子六官住杭州 百歳 大学的 日本中的日本 忠正您文集 San Assess 白急奏至朝廷不以為然上 衛隆祐太后住杭州 侵宿四前一月已有南 趙鹃 撰

書右承宰相黃潜善汪伯彦並能 彦殺簽書樞密院王淵誅宦者遂成明受之禍是日某 射翰林學士葉夢得除尚書左永御史中承張澂除尚 **某買舟泛錢塘江之衢是月中書侍郎朱勝非拜右僕** 執政奏事未退御前所造探事小黄門馳騎告急上即 是晚出門 日出門渡江幸浙西 十二日車駕至杭 二十二日 三月車駕在杭是月初葉夢得罷 初二日皇子六宫渡江 初五日苗傅劉正 初三日上御殿

應認 審察仍令問門引見上殿初車駕至杭百官至者十無 十日準尚書省劄子二月某日奉聖古趙某召赴都堂 至衢泊舟門外浮石渡 っていううえ 日發衢州趨行在所 聽政苗傳劉正彥皆建節賜誓書鉄券充京西制置使 四月車駕在杭州 二有古都司侍從各薦二人右司員外郎黄縣以某 十一日準尚書省劄子催赴行在所 初二日上復辟隆祐太后垂簾同 忠正您文法 初七日是夜明受救過

金げとしてノニー 吕順浩拜右僕射初車駕渡江命順浩簽書密院充沿 俾提兵而去是日某至杭州門外且聞勤王兵至乃入 密院事張冷無書樞密院事吕順浩至 世忠死戰二賊大敗是晚拔寨而追 張沒留平江控扼海道勝非尋入 江制置使控扼大江又命中書侍郎朱勝非禮部侍郎 劉光世張俊入見是日隆祐太后卷篇 初三日苗傅劉正彦引兵拒韓世忠於臨平山下 巻と 相沒獨留泊明受之 初四日韓世忠 初六日宣制 初五日知樞

是乃命順浩作相浚仍舊知樞密院尋以翰林學士李 光世既而韓世忠自淮揚至遂舉勤王之師先是沒遣 變淡與統制官張俊密計勤王議既定以書招順浩劉 請以兵誅沒隆祐難之遂謫沒散官安置沒不奉命至 請以上為皇太躬總兵北伐皇子為皇太姪監國二賊 進士馮幡間道入杭貽書執政且詰二賊以明受之事 .J. 1. 1. J. II. 7 始懼乃命浚知樞密院事趣令選關供職浚不至二賊 那參知政事御史中丞鄭殼簽書樞密院馮幡者前此 忠正忠史法

緋魚 供職百司水陸從便 幸建康發杭州百司扈從齊發遂遣韓世忠追捕苗傅 **既預返正之議自白衣一命奉議郎工部負外郎仍賜 浚為鳥郵賊薛慶拘留浚自鎮江徑渡往彼撫諭慶欲** 已至以保寧寺為行宫 五月初一 劉正彦是月末又以翰林學士滕康同簽書樞密院 十三日某奉恩除司勲員外郎 日車傷至無錫 初十日某至建康前一日車駕 十五日真州報知樞密事張 初三日車駕至鎮江某始 十九日車駕

欽定四庫全書 遣統制官王瓒提兵往平其事墩始渡江浚已歸矣 世忠生致苗劉二賊獻於行在並伏法 條具時政闕失可以弭天變收人心召和氣者是日韓 行宫 殿張浚至杭又薦對至是以即官初除合是三者對于 六月車駕在建康 邀厚赏故舜留之三日乃以兵衛之而出上初聞憂甚 十八日浚歸初得真州報有古罷知樞密院既歸仍舊 初三日有古以久雨多寒召郎官以上赴都堂 初一日對先是以黄縣薦得古上 た正徳文集 十五日浚進

極密院鄭殼處於位參知政事李那罷資政殿學士王 七月車駕在建康 機宜文字即始薦之意也 二十日果家恩除左司諫 **綯除參知政事 兵部尚書周望同簽書樞密院** 先有古奏事未對問有是命 呈入蜀官屬上獨留某欲除言事官是日有古趙某令 上殿奏事先是浚被命充川陝宣撫使議以某為主管 初七日果家恩除殿中侍御史是月皇子费簽書 初一日對自是以言事數對不復

欽定四車全書 除資政殿學士主行其事吏部尚書劉廷除資政殿學 東門先是有古以百司開慢細務常程注授之類並從 **援相接至是議者多以吴越為便遂改前議** 士副之恩數並同二府 **巡幸缶鄂吴越利害始張浚入蜀議定幸缶鄂庶幾聲** 太后之洪州謂之從衞三省樞密院簽書樞密院滕康 八月車駕在建康 《月車駕在建康》初一日有古召百官赴都堂議 十三日執政率百官辭太后於內 忠正德文集

宣制右僕射日順浩遷左僕射知樞密院事杜充拜右 僕射充自在京留守除知樞密院召還上以委寄之重 主於清凉寺 十六日天寧觀辭太廟神御是日有詔 恐其意未滿遂拜相 劉韓各提重兵畏充嚴峻論說紛紀而光世移屯江 以二十六日幸浙西留右僕射充鎮守建康劉光世也 州世忠移江陰常州境上由是充所統者王躨及其舊 太平州韓世忠屯鎮江王瓒屯常州近聽充節制是時 十四日執政率百官迎太廟神

次定四車全書 鎮江 至鎮江以俟 尹到臺供職 二十一日降旨百司及六曹都司檢正 部曲陳淬苦雅數頭項而已 以二十二日先發至平江侍從臺諫以二十三日先發 天奏當日蝕也是日某先發宿冷口 九月車駕在鎮江 二十八日車傷至鎮江 初六日車駕至平江 十一日御殿百官始朝 二十三日某怪舟解纜是夜宿靖安港 初一日上不御殿百司守局以司 忠正德文集 二十日御史中丞范宗 初二日車駕發

韶中司對因及某自司諫除殿中之誤上曰吕順浩多 學士張守除同簽書樞密院事 出門 五日降青幸越 浙西宣撫使置司平江留兵數項委以控制 **歴外官不詳典故** 月車駕在平江 初四日車駕發平江以同簽書樞密院周望充 十五日車駕渡錢塘江掌越 二十八日百司侍從先發是月翰林 十二日某蒙恩除侍御史 初一日臺諫發大雨不可行次日 十七日某 初十日

欠包日本二十二四 禁回隆祐太后此月 初九日已離洪之處州矣 閣勍自京師奉迎至 六日報潭州軍變 壽觀神仰即真宗皇帝章惠皇后及温成皇后也歩軍 軍是日有古召從官赴都堂議 項由陳蔡趨斯黄 淡錢塘出陸宿西與待舟不至 月車駕在越 十六日報金人已渡大江至與國 十四日報金人遊騎至和州又 初三日冬至是日領巡幸赦 忠正德文集 二十一日對始至榻前上即謂 十九日出城奉迎萬

從官從後節次赴行在是夜四更得報金人犯廣德車 江迎敵緩急登海舟以避從之 城外某同臺諫泊曹娥堰下 二十九日御舟過曹娥 駕復回又杜充奏二十日大戰江上王壞不榮應是致 西迎敵詔士民讀之有派涕者 13811 一日給事中汪藻中書舍人李正民獻議請車駕幸平 八日有古巡幸四明是日雨大作車駕出門駐 二十六日車駕還越是夜范宗尹除參知政事 二十三日黄膀章浙 二十五日車駕進發

州 堰舟船摊併留三日不能前遂出陸 十二月初一日車駕在餘姚路中 初九日參知至都堂問邊報凌晨間衛士作問中 初四日車駕至明

林之平使閩廣發船運至是米舟百隻至好朝廷以為

天賜此便無聞敵騎已犯建昌且遣人傳檄邵武遂有

軍統制辛永宗以兵入衞少頃即定先是遣監察御史

钦定四車全書

两口渠軍相謂曰我有父母或曰我有二子不知所以

忠正德文集

東桴之計即下令每舟一隻載衛士六十人人不得過

亂也 當立止過之諸公趨入殿門遂止事出一時非本謀為 宰執入奏事至殿門宥迎諸公言之衛士立砌下人 **皆追敬騎至城下城中不知** 於是除衡門外衛士畫廢 **眾陳訴紛紛稍出不遜語問有斥罵者殿帥李質挺身** 日誅親從四人為首者餘皆分隸諸軍明日又誅數人 留訴於皇城司內侍陳有宥率聚人同禀於朝是日 初十日某蒙恩除御史中丞日下供職 十四日報杭州守貳而下 十五日雨大作先是某

饮定四年全書 1 中外乞依常禮見百官衛士以解危疑之心有旨十五 者有兵火之虞相别殿門外皆面無人色是日上登舟 上言車駕倉皇遷避至明已近旬日未曾御殿何以慰安 州界不欲令至行在遂遣宗尹復回四明應接之因令 同汪藻留明州商量軍事前一日得報敵遣人使入明 上擐甲坐小殿排辦出城士大夫去者有風濤之患留 日御殿依例望拜二帝至是百官班未入聞杭州之報 十六日御舟乘早潮發至定海 十七日有旨差某 息正德文集

縣先是車偶發越州以仲首充浙東宣撫副使張俊充 康充領兵而遁所遣使即破和州所得歸朝官程暉非 宗尹盡發諸將且應報諸路文字宗尹請某同行及欲 金軍云七月同崔縱過河北縱被留伸隨軍前來初渡 汪掌制撰文字也 十八日回舟至明奉使盧伸來自 之伸所携國書語極不遜 其國人也與宗尹商量既非專使恐不必見遂不復見 江杜充戰不利差人下劄子議事意欲投降者既至建 二十日間郭仲首退道陳

拽陣而去五軍旗機一一可數把隘兵相賀云敵退矣 欽定四軍全書 一 洪州需金銀來贖乃以仲山之子為撫倅使之括取撫 焚刼蕭山而去又信州報敵破撫州擄知州王仲山歸 退師是日李追奏仲首所遣錢塘江把監兵二千餘人 浙東制置使俊既勾回罷制使復以李鄴為之仲首遂 在太平州界夾沙渡對岸下寨我為備甚嚴敵時以 州之物杜充所遣屬官直繳猷閣陳起宗至云金人昨 「小舟渡江近岸即殺退之或沉其舟一日正畫對江 忠正德文集

宗尹書云杜在真州甚的又得信州報敵犯吉州境知 備不及因致潰散其餘敵騎皆浮而濟以江水極淺故 也充欲領衆歸行在今既路阻不能歸矣是晚順浩與 舟反側不定凡三日方止 日得古發回晚復登舟 已時過錢塘江在魚浦至十九日騎渡絕不知其數是 州 不知具給也是夜用數十舟載馬百餘匹橫江直渡支 楊淵而下棄城而去 二十二日報敵騎於十八日 二十二日至定海大風皷浪 二十六日出江口泛海洋

次定日車全書 團 發昌國先是告報每聞御舟笛響即諸舟起碇而發御 建炎四年庚戌歳 風不順舟人云每歲盡海上即數日南風謂之送年風 即以樞字之類書之黃旗之上挿之舟尾 二十八 超昌國而去晚泊一山下得當直柔報云李鄴報賊使 二十七日早至昌國同宗尹入見舟中是日食時御舟 人招降越州恐直趨四明已定二十七日之天台矣 以紅絲纓為號餘各以一字如參政即以參字極密 忠正徳文集 日

者執政之外止此六人而已吏部侍郎鄭望之給事中 俊人至云十二月二十日敵至明州十五里橋俊發兵 及諫議大夫當直桑同對舟中問聖體是時扈從泛海 部侍郎葉份中書舎人李正民綦宏禮太常少卿陳戬 拒之戰不利正月初二日遂至城下俊大開城門遣 汪藻皆未到 正月初一 初三日御舟入台州港口章安鎮 日車駕在海道 初六日台州報敵犯四明 初二日御舟早發過石佛 初四日同户 初七日張

次定四車全書 又 敵焚寒而遍俊恐敵濟師乞退歸行在且以二級來獻 擅離任所先是某上言俱文士恐不可當繁劇遂易處 州既而有佑之者其事遂寢至敵犯餘杭朝廷乃令押 又聞韓世忠奏乞留青龍鎮以待邀擊 兵用長鎗突出血戰殺近千人得帶録首領二級是夜 其緩急得以自如也是日聞周望劾奏秀州太守程俱 知明州劉宏道充浙東安撫使張思正充招撫使欲 初十日聞俊已引軍趨台州是日間越守李郭投拜 忠正徳文集 十三日有旨

論是之 衛獨中軍辛永宗有兵數千而姚端即御營使順治之 執會食金餐山寺宗尹私謂某曰近日諸將姚端等進 親兵將其衆獨威所以優其禮遇以明受為戒也 六日報敵以十三日入四明又見茶司備到仲山公文 徐思之恐亦有說後乃聞上以明州衛士紛擾盡廢禁 見太數錫資極厚國用寫甚見上幸一言也某歸草奏 ·綱離州望劾之云朝廷私此一人遂失億兆之心士 十五日張俊至於是扈衛軍稍振先是同军

次定四車全書 御史臺情中使臣尹希申初黄州關報金人侵犯從 賢妃周夫人莫夫人外其餘舟船並未到 嘉國惠椒朱夫人先是劉珏滕康有奏待罪云除太后 餘人由衣之潭矣 稱金人已於十二月二十間離洪州殺城中老小七萬 舟發章安夜泊松門 入李正民充隆祐太后問安使無两浙等路撫諭洪州 二日御舟泊管市 十七日報吉州太和縣村民次得 忠正施文集 二十一日御舟入温州港 二十三日御舟在管頭中書舍 九日御

吏藍衍等十餘人皆未到來人云兵亂時太后賢妃用 論及洪州之擾上日太后僅以身免來與服御之物 次日前軍作亂一行老小并內人被敵殺害者甚衆臺 報撫州王仲山投拜用天會年號下屬邑取金銀牛馬 皆棄盡官人遗失一百六十餘人又曰已退點滕康劉 村夫荷轎更無一 三省移赴度州至吉州太和縣統制楊惟忠後軍作亂 二十五日對乞收海舟及諭韓世忠分兵應援因 一人扈衛者及録到度州三省關牒探

珏差李回愿益替此二人矣奏事畢將退上乃曰今日 退如何措置卿可條具奏來是日聞金人明州殺戮甚 方欲召卿相見即今天下事有二敵退後如何萬一不 管頭台州之路 酷台州一空守臣遁入羅漢洞是日御舟移泊樂灣避 官稍集班列差感 二月車駕在温州港 下因赐名龍翔寺有小軒東向賜名浴日皆御書題額 二十六日駕幸水陸寺至是侍從省 忠正徳文集 一日御舟移泊温州江心寺 小

大い可えんにする

シグにん 是日押米網使臣蘓童至云過越時李都已拜金人 之地 聞敵犯昌國敵舟欲相襲為張公裕以大舶衝散復回 奏乞解機務 遊天慶宫登融成洞天福地天慶即道士林靈素受業 明州矣公裕提領海舟者也 其家屬先過錢塘矣 明州兵退 初十日日順浩在假以熒惑犯紫微垣侵相位 七日車駕幸温州城駐蹕州治某逐入 十二日宣押順浩入奏事如故是日間 初五日對於江心寺 初九日昭懷思行香罷 初六日

大三百五八十二十二 職前此知真州向子志言昨離真州盡載本州金帛過 江遂為韓世忠兵所劫且言杜充已降金人而去麾下 奉其母避地山中未至表臣先對至是再言之上極喜 江心寺即薦温人吴表臣林季仲以補察官之闕李仲 官員多有走回者至是上謂某曰自聞杜充之報不食 於朝者卿可謂知人矣是日批出除監察御史日下供 州中陳氏之居 二十一日對再薦吴表臣初至温對 曰自渡江閱三吴士大夫多矣未當見此人物如素官 忠正德文集

數放之弊上曰以四方號令不通不得不爾 當別議罪是日降徳音返都吳會赦文之前題印標目 者累日非朝廷美事也上又曰非晚頒放回鑾某因論 某力言其未可 三月車駕在温州 云返都吴會之認議者皆為太遽以未知吳中消息也 日同直柔對彈杜充且奏陳乞先罷相後得投降的耗 日對論諸所獲生口內契丹并煞薊及諸路簽軍皆不 COMMENCE OF THE PROPERTY OF TH 初六日有音未行及至月半 初四日有古以初十日車駕進發

钦定四車全書 至城下周望湯東野即日引衆過去二十五日金人突 子女玉帛取盡乃以二月初七日下令洗城自州門殺 又聞敵以十二月十六日破杭始入城殺人少頃而止 為安敵至欲遁而舟船悉為軍兵據去故無一人得脫 失守一使臣即周望之部曲也言敬騎二月二十四日 人而四隅發火十四日始離杭火十餘日方罷是日又 入更無1人拒捍者焚燒殺戮殆盡初蘇人恃宣司以 可殺上日正與吾意合 忠正徳文集 十二日浙西人皆至云平江

而止 之乃劾於朝也 襲即適出州外村落間一職官權州遣吏追俱復回託 有此禮駕回登舟 駕詣天慶宮朝拜九廟執政從官扈從自渡江至是始 以押米趨闕尋為宣司勾捉而去幾為所斬已而放出 俱降俱不能決曰小邦不敢專報即解赴宣司又應見 聞知秀州程俱為宣司所囚初杭州既破敵使人移檄 二十日衛舟至管頭 十四日降古移躍越州 十九日御舟發温州著淺行數里 二十一日御舟至海門 日車

THE REPORT OF THE PERSON OF TH

次全四車全書 图 發草安 至松門著淺舟側幾覆泊章安三日 諫倉皇回舟至港口迎見佈舟之至即二十四日也云 船直抵章安舟行前後不相見是夜御舟不至執政船 舟入明州港定海縣 舟在前然喝探人亦復不知柳舟之未至也翌日率臺 入港復回而餘官皆不知但聞喝探人歌唱之聲謂御 十二日海霧四合少進不行 二十八日御舟泊慈濟院下 忠正徳文集 二十三日風順諸 二十七日御舟 二十九日御 ナセ

及租役之詔仍支錢數萬以濟貧民留餘姚一日以諸 從便先發自入定海所過焚燒殆盡死屍相枕籍县至 是指揮始下殿中沈與求司諫黎確尋舟不見 同直柔對舟中以臺諫在章安入奏乞同對問聖體至 明論奏宜有以優邱之上覽奏惻然動念故有免商務 日御舟至餘姚海舶不能進遂易小舟仍許侍從百司 四月初一 日車偶在定海縣 十一日車駕至越是月左僕付日順治罷 初二日御舟至明州晚 初四

THE PROPERTY OF THE PARTY OF TH

一欽定四庫全書 一門 充江東安撫大使 任承宣不知何以酬之意在節旄乎范覺民歎曰此則 月初以議辛企宗建節不合眷意稍替由是問言得入 十月除知平江時日順浩再相兩解不獲道改知建康 紹與二年壬子歲 不可當優與軍職耳 初降出企宗論功劉子皆無實状余謂諸公曰企宗正 月其蒙恩除端明殿學士簽書樞密院事是年十 忠正徳文集

臣斷不敢往敢以死請萬一出於宸斷臣一不復解 憂疑在今家為艱難之地臣之此行或因廟堂進擬則 意也卿到官有奏陳事朕當自主之余頡首謝 康残破之餘又宣督兩司屯駐大軍皆招权羣冠上下 也上曰江東關即朕晚夕思之無以遇卿者實出朕 月過行關初對上玉色怡然顧勢甚至余進日建 次之四軍全書 四 欽定四庫全書 紹與六年丙辰歲 檜萬毒觀使充留守庾提舉 體泉觀同留守以知臨安 期順動免緩急倉卒之患議以秦檜孟庾充留守尋除 **令秋復有南侵之意且以調發大兵屯駐淮上上欲前** 月某日下記巡幸沿江先是諸路探報金與城合謀 忠正徳文集卷八 丙辰筆錄 忠正徳文集 趙妈 撰

行遣聽留司與決所不可決者申行在所先差兵部尚 即趙霈中書舍人陳與義董弁權户部侍郎王俱起居 書劉大中翰林學士朱震翰林侍讀學士范冲工部侍 府梁汝嘉充巡幸隨軍都轉運使百司並留臨安常程 部員外郎薛徽言太常博士黃積厚扈從祠部郎官然 季仲吏部員外郎黃次山鄭士彦户部員外郎周幸比 郎張燾侍御史周私左司諫陳公輔右司諫王縉左司 郎中耿自求右司員外郎徐林檢詳王廸太常少卿林

欽定四庫全書 古以所部充前軍趙客充中軍馬軍司兵馬原本充後 官從行而解潛以馬軍司兼權殿前司公事劉舒權提 殫壓 舉宿衛親兵同總護衛之職行營中護右軍統制巨師 聖祈福執政從官扈從建國乘馬行於輦後回幸下 九月初一日車駕發臨安是日先詣上天竺燒香為二 軍以侍御史周松御舟前彈壓監察御史趙渙御舟後 彦詩司熟郎官王良存秘書省正字朱敦儒以督府屬 忠正徳文集

守之計然兵家不慮勝唯慮敗耳萬一小有蹉跌不知 贵都政董先引兵破之獲糧十五萬斛 初二日發北 郭亭晚泊臨平鎮奏事舟中方論奏岳雅之捷上顧謂 號州寄治盧氏縣捷奏也至上竺黃旗進入岳遣將王 少項即止薄晚還城登舟泊城外北郭稅亭下迫暮雷 **竺進膳宰執賜素食駕至靈隱北山雲起雷震做雨作** 右揆後日岳捷因可喜但淮上諸将各據要告雖為必 電大作是日駕過中竺有卒執黃旗道左即岳侯却敵

常對御騎射上稱善曰一好漢進聞知刺好漢具進四 微雨終日夜大風雨止北風舟行稍緩 對舟中上巡幸所過必延見守令省風俗問民疾苦也 字作褶心每閱兵即被之示象夜泊崇德縣令趙浜之 後段如何復顧某曰卿等更熟慮某等奉命而退是日 平晚過長安間德遠仲古見訪小飲閱王存具進人馬 存進沂中將部兵二千還臨安聽留司使與進勇於戰 初四日發崇德晚泊皂林風稍止兩浙漕臣張澄割 初三日發臨

炎定四車全書

忠正徳史集

幕屬即問子細非為核質有各質典但欲知事宜形勢 發之物上曰兵家不無緣飾此不足道卿等因通書雅 毀其割子進入得古水門外進輦入城更不拆門 小准平江府水門亦當少拆駐蹕城圈所係恐不應輕 子以御舟比舊稍高所過橋梁多碌時暫拆去利害甚 河陽太行一帶山寨必有通耗者自沒青之來常有往 措畫之方耳沒奏曰雅之指置甚大今既至伊洛問如 五日發皂林店晚泊秀州奏事河亭因及岳飛兩捷停

奏曰河東山寨如章詮忠輩今雖屈力就招然未嘗下 來之人其意甚堅確青懷衛問人當聚衆依太行數出 **擾磁相問金人頗患之今年春併兵力攻青以精騎數** 所能有某等同奏曰願陛下進德修業孜孜經營此念 為我用上曰斯民不忘祖宗恩德如此吾料之非金人 人亦無如之何但羈縻之而已一旦王師渡河此曹必 山隊伍器甲如舊據險自保耕種自如唯不出兵耳金 百突出渡河由襄漢來歸岳侯两河人呼為梁小哥某

次年四車全書

忠正施文集

常如今日臣等顧竭駕鈍裨佐萬一進呈周秘奏狀以 舟五十里遠得肯潛銷各罰銅八斤德遠仲古過舟中 解潛劉錡各引無旗號舟船入禁園且妄申朝廷去御 令趙浜之罪狀先是言者論其排辨奉迎車駕事多縣 降一官令漕司取勘上曰浜之昨日奏對問以民間疾 **撥下有司體訪雖不如言者之甚亦不為無罪得旨先** 初六日發秀州天色晴和晚泊平望進呈漕司按崇德 小飲得沫輩書報初四日已發舟出門將往德清也

近三四重人二方 安紫此稻款之言也為今若此将安用之夜得沫輩書 苦曰無問以户口登耗租賦多寡亦不能對方今多事 民間豈無疾苦可言而與之乃云朝廷仁政宛恤民頗 且乞催已差知商州邵隆速來之任隆解之安邑人敵 赴闕陳奏商州要害之地不可不力取得商則可以經 而死隆收殘泉轉戰入蜀隸呉玠麾下數立功且遣人 犯河解隆與其兄糾率鄉民屢與敵戰兄為敵獲大罵 初七日登平望是日岳飛捷奏至遣偏將收復商州 忠正徳文集

卒不能破初急報至哲廟頗以為愛而菜每奏平夏決 雅先得之矣治成之子成關西之名将也項歲夏人犯 管關中尋命知商州伊與金守郭浩經營收復全則岳 略崇曰初無他所但如郭成輩皆一路精選俾守一城 平夏城涇原帥章崇命成守之被圍半月餘攻之甚力 知其可保也溪浙人起諸生及作帥頗有可稱种師道 保無虞乞少寬聖慮敵退粢遂召還哲宗問以城守方 師中皆出其幕府又嘗薦師道於哲宗云師道拙訥如

欽定四庫全書 一個 具江午至平江府換小舟入門從梁汝嘉所請也泊站 應副樓橋并發江東西壯城兵以助役也 世忠遣其屬張解來禀議愿言後管盱胎寨工料甚 今始及半月役戰士二萬俊時親 員上以率將士且乞 見知者否師道以菜薦章進入淵聖歎菜知人以其二 將帥靖康初師道入樞府淵聖書問曰在小官時頗有 孫茂蓋並為寺監丞晚泊吳江縣張俊遣其屬史愿韓 不能言及與之從容論議動中機會他日必為朝廷名 と正徳文集 初八日發

或不奏事即與諸將理會軍器想不如法但為美觀全 同謀也 第以檢法應為簽書府第晚得湖北提刑趙伯牛破雷 自楊么之敗其勢稍弱遂為部將所殺以其衆歸德通 德通寨捷報德通德進之弟德進據險久為湖北之患 省客院以簽判廳為左相府第以提舉茶司為右相府 稍自保一寨不肯就招至是始破知妈州張骨與伯牛 初九日後殿奏事上日數日泊舟之後柳等

改定四車全書 一 請如錢糧軍馬之類陛下但諭今與臣等商量惟是指 自有說臣竊謂世忠既城楚與萬郵地利甚便今張俊 置防托恐世忠向臣等不欲盡言如陛下曲折詢訪必 軍也及言韓世忠入親搞設激賞之物宜依例備之恐 悉為整頓別作一隊妳等試觀或可用即以此行之諸 又屯盱胎控制天長揚州一帶敵決不敢犯則世忠一 不久留某進口世忠來日恐到當便入對世忠必有所 不適用可進甲葉數百副當為指教穿照并其旗號等 忠正德文集

皆云劉麟自住河北乞兵回比又遣官再往矣 然徒為自守之計朝廷何頼上以為然是日諸處探報 世孤軍萬一重兵侵犯韓張兩人能為出師牽制否不 總安城深入敵境為人所誤置寨不得地敵自四山下 號為小程以獲寇補官後任熙河将會熙帥劉法出兵 陽縣也縣有弓手程與勇於捕寇弟進尤為驗銳色人 日請天寧寺開放行香得收復順州捷奏順州昔之伊 軍包裹在內最為安穩但自豪以西並劉光世地分光

策馬大呼衝犯敵國來往再三求法不獲時法已堕崖 死矣進由是知名靖康初金人犯伊洛進時為京西將 逼日且暮舉軍潰亂失法所在諸將逃死不服而進獨 為之屏息固護陵寢為有功馬劉豫僭逆數遣兵攻之 與介處一隅與朝廷隔絕寡援糧之退保太和鎮與死 難者多依之進死兄與代之兄弟相繼界歲一方完盗 河南尹王襄遠遁進以洛兵保伊陽自固洛之士民避

交回可收了司 一

其子琮代之數遣人間道告於朝廷求兵糧為助而地

忠正徳文集

金りしたべて **遠不能及也時勢益弱遂以餘衆歸襄陽依李橫由是** 世忠入門晚赴内殿入見 伊陽太和一帶險要盡棄之敵境矣岳飛至襄陽遣將 使李綱奏以車駕時巡乞扈從降詔不允奏事已上日 王貴直持盧氏據之乃分兵西取商州東山縣川縣西 世忠之來當有錫賽上起離御座引宰執就觀所賜之 碧潭太和鎮以取伊陽也伊陽去洛才百餘里是日韓 物几十合如繡珍珠蹙領綉戰袍馬價珠頭巾鏍玉腰 十一日進呈江西安撫大

次三四号(五年) 賞将士耳晚世忠到堂謝賜物微有酒色云上以所賜 條回紋刀皆奇物并約絲樓蒲衣著數十匹金酒器四 之姓東義郎彦仰面授問門祗候以其新自鄜延遠歸 金器酌之十餘盃不敢解也并其隨行背鬼使臣等皆 厚聖意豈徒然哉上曰禁中所有物别無用處止備激 百餘兩名馬鞍號等某等進日陛下待遇諸將如此之 也世忠叙謝再三徐曰世忠寒賤人也合受凍餓今乃 被酒上各賜束帶并十兩金盃一隻因賜之酒而世忠 忠正德文集

常朝自上即位以來止御後殿更不行前殿之禮以二 蒙被厚恩如此自顧此身未知死所也 方界上日世忠無他語但云欲與宰執議定乞與宰執 聖未還意有所避也留身奏世忠之來計當奏陳邊事 擊便見得失今日得城明日傳縣無益也竊恐勞役之 久別有事生耳臣之愚見若初議遣俊等渡江徑之淮 俊築城便欲令向前勾引金人近前我得地利合軍一 同對鄉與更子細詰問如何也某曰世忠之意不欲張 十二日後殿 意如何某日沒初有商量之意徐徐議論但以岳飛牽 道等皆可為之大軍依舊坐據長江之險敵既不能遽 若只築一小堡可屯萬人選精鋭守之劫寨腰截斷糧 則無地可歸欲戰則不保必勝臣已當與張浚等商量 城工役如此之大臣深恐城未及就敵已有動息欲守 北或攻宿或取徐得則進否則退歸出入不常使敵問 渡則不無回顧之慮如此似為穩當上以為然乃曰浚 測是亦一策不如止屯淮上初云築山寨亦復不知修

欽定四車全書 图

忠正德文集

園池昔蘇子美之滄浪亭也子厚在相位日營革所費 先議守而後論戰乃保萬全也上然之是晚同右揆西 策甚善但臣之所處今冬防托數月之事俟來春更築 屯軍淮上臨宿毫敵且疲於奔命此恢復之端也沒此 樞謁韓世忠就其後圃置酒七行世忠之圃即章子厚 之舉敵且自放不服安能窺吾淮甸使俊築一堅城池 制於後敵若抽兵稍廻山東空缺則世忠必再為淮徐 堡不失為此計耳自古用兵變化不同初無定論然

盡言但云與相公屢言之而其意不過欲令張俊先為 法空親見之坐問右揆屢叩世忠進取方畧世忠終不 妾方分爭金帛停尸數日無人顧籍鼠食其一指衛僧 寺子弟輩悉遣歸鄉幹置生事死之日無一人在側羣 進退以世忠言近探者自河北回言龍虎軍由李固渡 不肯合謀耳金字遞備坐探報撥岳飛明遠斥堠擇利 不質罷相即遷青未嘗安享泊放還寄居嚴之烏龍山 、著渠欲乘隙而動即易為功也但恐俊等揣知其意

次 足马事全書

忠正德文集

光世張俊兩軍老小仍將在寨人點檢整順結成隊伍 **搞諸軍将佐檢正張宗元上殿遣詩建康太平撫勞劉** 州以糧不繼也 十四日進呈右司諫王縉奏狀乞罷 晚得岳雅妆復西京長水縣捷報仍云已收兵復回鄂 西以應岳雅也 十三日進呈已降指揮依四年例燕 過河凡渡四晝夜精兵三萬餘人內分騎兵一萬之京 平江府營造恐妨農時也從之批青韓世忠非晚朝辭 可特賜御筵差入內內侍省都知黃冕押伴令平江府

大いりっています 一 進呈信州奏以車駕巡幸進銀萬兩上曰此物得之何 伴屬官預坐右相云諸處探報淮陽軍等處往往抽廻 巡河朝解日賜宴所居蔡氏之第吏部侍郎王時雅押 預坐使臣等别坐酒五行西樞云种夷叔靖康初被旨 排辦議十七日就韓後國山堂隨行屬官總制提舉官 人馬歸京師以備岳兵韓侯亦云韓晚到堂因話及京 城被圍之事當時南壁正金人所攻之處而以盧襄李 捏當之韓亦既然歎息也 忠正德文集 十五日望拜二聖已奏事

當詢問果取於民便當退還某等奏曰陛下如民如此 吉不允降詔 十六日批吉諸軍押熊官楊沂中張俊 處儻府庫有餘自當獻之朝廷或取於民則不可也更 軍差淮南提照張成憲韓世忠軍差揚州守臣李易劉 朝廷約束甚嚴方州必不敢爾韓世忠幹免賜御筵有 紹與四年例晚中使賜除濕九數十斤付密院以備給 賜士卒先是趙密巨師古兩軍自杭護衛至此多病重 光世軍差江東漕臣向子諲先是降古宴犒諸軍並依

欠こうせんます 明 人不可鄉等可作書但云得肯封回可也退而右挨以 其請不已欲上親筆批回劄子上曰惟字執有此禮他 造中使押御醫親至軍營人人看候分給之服之皆効 脱之疾一日宰 執奏知上出禁中方命御樂院修合且 書封去是日劉光世奏敬添兵戍陳蔡問而劉豫亦於 終制某等先議定奏禀以雅累有陳請亦屢降指揮而 此其餘者也又以其方賜某云 十七日進呈岳飛乞 颍昌積穀甚富恐有侵犯之意密院刻擇官申中和言 忠正德文集 1

太白已過左執法以陰晦不見先是占星者言九月初 金グレノノ言 給與七年丁己歲 已上日柳人望所歸豈應久外某辭以今日規模與臣 九月自紹興被召是月十六日入建康對於便殿叙志 三夜太白由黄道微髙入太微垣犯右執法 丁已筆録

所見不同上日将來別作措置

十七日宣制授左僕

射

八日留身奏事上問防秋大計某曰淮西雖空 THE REAL PROPERTY.

欽定四庫全書 以控制之事專青之二将曰光世之兵不為用我之所 之罔測不然益增其驗蹇之心謂朝廷莫敢誰何矣仍 失措反為安慰之某曰正須如此見諸将尤須安靖使 為然且日初聞淮西之報未嘗敏動執政奏事皆惶恐 既已失之其去不可復爾也臣前日奏陳固已悉之今 國威少挫兵勢亦弱若遽自退縮即益弱矣却預勉自 **振勵為不可動搖之勢尚少堅士心不至委靡上深以 总正德文集**

缺當以壯根本為先務又問去留如何某曰其來太遠!

意播告天下以朕任用之非其人也俟行遣張浚了降 **部余日浚已落職上日浚誤朕極多理宜遠寬余又日** 置欲降一手的慰安之上曰朕思之久矣當以罪已之 十月初余因奏曰自淮西之變軍民不見朝廷有所指 過余每隨事開解 足何服及此自入見每留身奏事上必盛怒言德遠之 弱也前此大臣曾以此放沃否上曰彼皆倉皇無地措 賴唯汝二人彼必感陛下倚任之重且不敢以朝廷為

THE REPORT OF THE PARTY OF THE

令谷之言外頗傳播謂浚之出皆諸將之意今又行遣 前解救開陳再三上意終不解余乃曰浚所犯不過公 夜不問早晚即時行出至是余封起未即施行明日榻 沒母老且有勤王大功陛下安忍使之母子不相保上 罪上曰是何公罪誤國如此私罪有餘又奏曰前日趙 授散官安置衛表中書售例凡御書批出文字多在暮 日勤王固已賞之為宰相矣功自功過自過不相掩也 初七日夜內降局松石公探李誼彈章後批張沒謫

次 主四車全書

心正德文集

宣論勿遣今乃使之為萬里之別生死固未可知豈不 日湖南永州等處與嶺外何異但且名目不謂之過嶺 傷陛下孝治之意上意少解乃曰與嶺外善地可也余 此不如也余又曰向來沒母未出蜀時陛下特遣中使 於諸将即唐末五代衰亂之風令幸未至於此余又曰 如此之重外間益疑矣上曰安有此理若宰相出入出 也上口可放官安置永州余又口若令分司便是致仕 雖非諸將之言今繭沒如此亦足少快諸將之意上曰

淡定四軍全書 四 遠矣然今日作壞得如此使朕極難處置鄉亦難做余 者無所不至今後得罪天下駒乃極力營救卵質於沒 者以沒為戒不復以身任責矣上意乃解於是分司之 置失當而已偶因措置失當遂投嶺橋之外臣恐後來 树前上曰浚平日兄事卿卿一旦去國浚所以擠陷卿 上口且更商量來日再將上余又的身再三點奏拜於 議始定 日此則天下共知雖為國家無窮之患原其初不過措 初九日降古張沒責授左朝請的私書少監 忠正德文集 大

見有所施設余答之云今日之事有如至虚極弱久病 退答衛州諸書先是士大夫相知者責余作相節月未 非不欲有為而其効如此不量力之過亦足為戒矣一 方此危迫之際唯有安靖不生事坐以鎮之若欲大作 分司南京永州居住 二十五日謝大禮加恩不奏事 措置與然一新此起死之所也非老拙所能且張德遠 之人再有所傷元氣大耗自非緩緩温養之必致顛獲 日上日令張俊盡以舟師分布控扼然後引兵渡江余

友之日奉人下三 明 今侍御史周松彈之幹以殿撰出知衛州其後給事中 却淮西以兵家舉措言之一軍潰散却補一軍分明是 以為然是月董弁徽献待制知嚴州先是斜任中書舍 怕他却當一向勿顧不發一兵看彼如何未必敢動上 日淮西寂然無事不須勞攘但外間議論便謂朝廷亲 日少俟他無所云也郎官黄次山白臺諫謂針沮格部 人余罷政之十餘日諫官陳公輔論二程之學恐惑亂 天下於是下記院諭董權禮侍録黃下部吏欲錄板董 忠正德文集

をラレノつて 善類稍安次山遂除湖南提刑猝至是始除次對一日 此等議論不足如也余又曰昨日進呈劉麟以酈瓊書 竭民力殫耗國用何當得尺寸之地而壞却許多事功 中外便謂朝廷無復恢復之意上曰張沒措置三年節 奏禀來看去留之計請陛下更留聖慮將來回雖之後 **奔者邪此風不可長可與在外差遣當國意甚沮由是** 送岳飛瓊書云昨在合淝已聞大齊政事修明奉法向 胡世將舉次山自代朝廷遂進擬修注上曰非告許董

欽定四庫全書 贼為夸大之言不無緣飾然聞刑法極嚴整人亦畏憚 當少變此乃陛下之家法也必不肯如彼所為加酷於 以來純以仁恕待天下所以享國長久欲絕復興雖朝 官吏上下委無毫髮之擾上曰也是項他如此不得余 廷法今時有更張至於祖宗仁恕之心則列聖相承未 强官弱民無赴訴若非嚴加刑法無由整肅又念祖宗 乃曰陛下承二百年太平之後州縣玩習相師成風吏 公人民安業今既到此目自見之投身効命合得其所 忠正德文集

舜主不願陛下為唐德宗猜忌之主下等簽則云所引 | 勾者最係美事皆蔡十輩不喜之語亦以其不學故不 一縣令眾多不能擇監可則力有所不能及唯守臣得人 在悖今刑去臣謂載之乃見神宗之聖蓋主聖然後臣 知去取耳且如吳奎傳載上神宗疏曰臣願陛下為克 則民自受賜上深以為然一日泛論時事因及國史上 日前日觀朱墨本內用朱勾去者也是大冗余奏曰朱· 天下為今日計欲富國唯有屯田欲息民唯有擇郡守 **設定四華全書** 一韓小惡必謹而書之不隱也所載具奎之疏皆讓言正 直聲必甚盛故也帝王一代之典是非褒貶非子孫所 直也使唐魏徵王珪輩傳中不載當時獻替之言則後 論人所難堪者神宗能容之是乃威德事謂之大惡可 此孔子作春秋之意也姦人常以春秋為魯諱者大惡 世亦安知太宗為納諫之君上深以為然余又進曰使 敢為者所以使後代人君常懷做懼之心不敢為非也 部盡作諛詞此豈美事古謂之不諱之朝者盖屢聞 忠正徳文集

乎何諱之有上曰卿所論甚正非他人可及也余又進 覺也如程 顾之學 安股斤之以為不可用余日秦槍莫 為陛下說此正論上曰並無一言自卿去國在庭之臣 撼其實紹述之謀也又同事者和之一詞朝夕浸淫問 日上曰不得不然尋常造膝之言每以孝悌之説相搖 不過持中論以眩感聖聽以謂不可太分別當兼收並 不減其舊者唯朱震一人而已余又曰臣觀為此謀者 曰臣去國半年餘今者再見清光竊觀聖意稍異於前

欽定四車全書 少得君子之為愈也大抵持中論者便是沮遏善類之 雖廣使君子小人並進亦何為治與其多得小人不若 府結局轉兩官恩例得古依奏執政奏曰莫却別與此 志以此故也上又以為然進呈高世則乞不收使元帥 計使君子不容指足矣君子之於小人常存恕心小人 析分别善惡唯恐不嚴稍似寬容則乘間透漏落其姦 用底幾得人之路廣大無遺臣竊以為不然取人之路 之於君子不少恕也自古及今君子常屏棄小人常得 忠正德文集

恩數否上曰只問他宣仁族屬比之諸后家所得恩數 時恩數甚薄其家並無作使相者欲以此寵世則是日 未推恩數申上意以宣仁之族惟世則近族宣仁升遐 如何可取會也次日降指揮令吏部檢會宣仁后族屬 之間三除使相章淵士褒錢忱也方今天下事殊未濟 余留身奏曰世則恩數已降指揮令吏部檢會此乃他 日題目庶使人曉然知其本末不駭聽聞然今年一年 而戚里相繼作使相公議謂何臣欲将世則除命少待

晚也 冬深雖別無警報獨不知來歲動靜如何要自今日議 何余日若車駕留此則來秋防守猶如今日或兹暫回 急倉卒之患上日來春去留未議但論來秋之計當如 從今徐作動計亦恐一兩月間別有不測驚擾庶免緩 定去留或可留即但當措置防守或以為不可留即宜 迫於威命不敢固辭然區區之誠已嘗縷纏陳奏今已 來春上日鄉所處極是非晚令世則辭去直侍來夏未 二十九日進呈已余因奏曰臣比自外郡被召 忠正德文集

災定四車全事

在平江府時每與張浚議此亦屢奏聞止令諸軍各分 諸将各思向前無退避之意則車駕無幾少安余曰臣 之而我之大軍悉屯江上彼雖甚銳安敢遽前此臣之 得則進攻否則退守或牽制或尾襲切寨抄掠晝夜擾 無他說大計既定其他瑣細措置當数曲商量進呈秦 臨安即俟有警進臨平江或復幸此亦可惟此兩途别! 曰車駕稍移近裏似為安穩須使淮上畧有措置及使 「萬精兵控制淮上作一小堡為堅守之計萬一敵至

歌 巴里主 司官府並付留司看管以備時巡一如两都故事為住 臣椒為此說欲符合諸將之意不知陛下尚能記此否 又臣之都見也願更詢問参政張守而下當各盡已見 來之計若金人舉國來寇即舉行甲寅年捍禦之策此 宫守臣兼留守差内侍主管赴鑰留親事官備洒掃百 上日卿固當言之奏章現在當付中書卿與執政一觀 鄙見也近自紹與蒙被收召再嘗以敷奏恐士大夫謂 可也余又曰若陛下果欲暫回臨安即復以建康為行 忠正族文集 Ī

各有進說正不敢身主不動之議余又進日臣之所說 矣臣初至此時人情極不安議論為為臣一切不顧堅 知之莫暫回為便否顧諸人日卿等以為何如議論定 自去歲迄今止是如此更無枝蔓亦無改易上日朕因 忍静坐以待之今幸無事却須議定來春大計也諸人 動爾余進曰臣昨來所論正不欲輕動奏劄亦已具之 否諸人曰如此甚便上曰其餘合措置事卿節次理會 子細商量張曰不過如趙某所論無可疑者但願不輕 きへ

不復支持便以今日之退為失策矣上日自當如此上 父子可至 六方 國 議既定余又曰來春之計既定止是防秋萬一有警報 余曰今所先者諸軍營案便令計置及於鎮江多備舟 楫亦恐緩急放散百司要用也上曰此等事正宜辨也 ·祐必有悔禍之意上曰朕之此念寝食不忘也某又曰 陵寝朕之志願足矣某奏曰陛下如常存此念上天眷 三两河故地朕豈敢為意但使朕父子團集及得一朝 須是車駕前進一步無幾皷作将士萬一少退則崩解 忠正德文集

金グセムノ 追之道遇伏兵發光世幾為所得賴諸将力戰王德之 往徐州去光世使臣下書言合肥之役麟既退走光世 呈吕本中乞宫觀上日本中詩極佳不減徐俯少時所 十一月初四日宣麻右相轉左光禄大夫以進書也進 聖懷感動惻然久之某又與西極亦不任悽感也 人君與臣庶不同苟一念志誠上天必須感格語及此 作俯晚年學李白稍放肆矣胡紡報准陽升愈遠向上 弟某人者死之夜二皷妆兵光世負交椅者亦戰死傷

之前月二十九日見如一李子大两頭尖个消欲盡矣 臣蔽君之明或云臣不掩君之惡令不見百姓惡君始 數日來外間傳言日中有黑子司天臺曾奏否上曰有 使用又奏須俟張浚軍四乃往鎮江措置其陷身奏曰 尋常災變願陛下更加明察恐皆臣等之罪無惜熙責 其占除干陽某奏曰臣編閱諸家占書其說不一或云 有此變其餘占候不一俱非吉兆日者人君之象恐非 折亦眾但未見其數右相奏光世得四百舟準備朝廷

致亡马車全書 ·

忠正徒文集

留意 以答天戒上曰干卿何事某奏曰恐懼修省更乞陛下 THE PARTY OF THE P **兵既退何用此為且留侯沒歸議之某曰淮西既定士** 逆理之事何以為臣子之戒冀其休兵息民也上曰賊 山東宜作書與金屬将伊達於主帥責助賊豫為背天 将書先是秦相奏言金屬将乃主帥之壻今聞統兵在 氣方磁之時沒乃有息兵之意生民之幸也上日如此 則留下割子當此付沒施行也某奏曰昨日得沒書云 初五日進呈右相奏擬韓世忠與金帥并其屬

路既安商買放心來往某日亦緣久不變法上曰法既 行亦自增羨 二十一日右相西樞見訪會食早晚余 許入納不對帶二法兼行二年不變入納甚句比之常 給與四年冬立為對帶法明年秋加以出刺立為分數 曲放廬壽光豪四州才冬節開假便作禮數後尚量· 自淮西奏捷即界求去右相既歸日治行計初議正初 可信自然悠久益自渡江後來鹽法歲變或至再變自

建康府入納鹽鐵基碱用兵之効不可不勉也上曰沿

次三四年人子 明

忠正徳文集

Ē

等悉已草下 是防秋結局也蓋十一月初上既見許故儿所入文字 事初三日也上日朕於君臣之間無毫髮不足細察之 少頃押入都堂治事復歸舟中來旦再押同班及堂治 亦許矣下殿更不批古歸私第食後入文字竟乃登舟 十二月初一日本留身告上偶右相以密賜乞留身謝 侯十二月初一日以日期既近侯領赦已然後為之亦 金アノモノへこ 之余展作初二日是日留身懸告求去上語雖未允意

UNIONE DESCRIPTION OF THE PROPERTY OF THE PROP

子發行詞是日宣麻 奏事至滿舍再入文字以脚疾有妨拜跪遂免起居再 往紹與也某態求宮觀上不允既退押到堂放散人從 乞出再押到堂復歸私第晚歸舟中 依時上馬不得般出 押到堂復歸舟中右相西極見過 卿與張浚終難同立朝也朕常全盡進退禮數煩卿 アノスンフラーシュラ 初七日忌例不鎖 初四日同奏事留身面投割子 初十日受告問門是晚批出趙 初八日鎖院 忠正施文集 初六日降詔不允 初五日宣押同 初九日降制朱 天

A CONTRACTOR OF THE PROPERTY O	The state of the s	上殿	茶令朝群上殿并正謝 十
() () () () () () () () () () () () () (一日正謝
The state of the s		of Council State Council	十二日朝辭

欽定四庫全書等即

膝録貢生臣王

詳校官庶吉士臣翁樹培

侍讀臣孫球覆勘

軷

欠了可見 に与 十五萬匹雨 į 比正德文集 問對事下項 例皆残破户口耗減難 和議成若要歲幣 趙鼎 撰

為界全不濟事項是盡得劉豫地土 為界却只以即今新河道標立界至合如何商議 金罗丘区 河須是舊來濁河應陝西京東路州軍皆是若以新 如前項歲幣則可稅賦則不可歲幣便是稅賦 合随地土岩以地土見還却要稅賦與不得地土無異 若到前路依例先來取國書合與不合發去 訪聞大河近年不行故道向著近南今若議和以河 和議成許還土地却要逐州稅賦合如何對 **长**, 九. 稅賦

致定四車<< 將所為朝廷已行戒約若和議已成自無此事 佩魚之類岩入本界即服初丧之服 **國書合依例先發副本 拾到軍前及金國詰問招納如何對** 一十二年已四次郊見上帝君臣上下名分已定更 許和之後欲行封册移損尊稱合如何對 到梓宫前如金人不容服初丧服合随宜服里带 如到梓宫前合服初丧服若金人不容合如何論對 忠正徳文集 **抬納事皆遇** 即位

若盡得劉豫地土及宗族盡歸即修奉陵寝開淘汁 俟漕運通行儲積足備及軍營百司修繕備辦方可 分敢輕差執政者和議已成所差官自有故事 問因甚不差執政大臣來合如何對 行此禮數切須拒之斷不可從也 人若問既和之後必便移躍還汴京合如何對 到軍前堅請移蹕 為和議未成

次 至 耳車全 書 使再來 商議事自不相妨 再遣敵使即與同來如和議未定事不分明即不須敵 **展為經殘破百色不便難以久駐無與臨安相去不遠** 土地宗族悉如所請事意分明及所須度可應副或要 議和之際若遣使人議事合與不合同共前來 許迎請梓宮有合先奏禀事未委倫等合與不合先 迎請梓官若見得的確先歸無害 忠正徳文集

土換易但云欲歸禀於朝使人不敢與決更不可将帶 割前先與於貸 金使同來也 土换易合如何對 岩許和議萬 所有本朝叛将舊在為齊令來和議既成乞於未交 敵情論詐難保或有事干國體從權應答候四日抄 ŕ 除十四項事外如到别有事干國體自合從 |却欲只以現今地土為界或別要地 和議既成即已前叛將自合放貨 若只以見令地土為界或别要地

灾正四車至書 至度其勢力将寡之必死則凡今日流離之極而尚延 黨布滿中外怨龍四起業於一身矣銷骨樂金何所不 享無懶於心無負於社稷無愧於天地神明而兩家之 又學術迁解與眾背馳其辯宣仁之免誣正裕陵之配 殘喘者皆君父委曲庇護之賜也有此僥倖尚復何言 權應答仍體度項是朝廷可從之事 余叨塵踰分績効無聞固足以挌致人言重干典憲而 辩誣筆録 忠正徳之集

辩誣 然前後論列踰數十章其間寧無傳播失實風聞文節 スエーンド 得開封通引官姓白人劄探除目帖子報開封士曹趙 退奉聖古差府曹一員省郎一員抄割遺下軍糧馬料 誤是不得不辯其他細故無足深較謹擇其尤者作 張邦昌偕稿干王時雅權京畿提刑有親奉玉音之 日工部侍郎司馬文李與余簡封題云提刑直閣繼 辯曰靖康元年十二月末得省割稱朝夕大金師

次正四事主書 於士人中選通曉民事者坐客薦名州通判趙子昉何 **奉須得人安集之且言祖宗時止有提點一員盡總諸** 證時十二月二十七八間也先是聞開正大金師退字 某除直秘閣京畿提刑無轉運副使其日余在同倉陳 司之事俟師退領放改正今且除提刑一員無清事當 相何文鎮廣坐中論師退後措置事首言京畿踩踐酷 士曹閣子内與數同官會話令刑樣郭璋獨在可以為 曰子昉固佳但資淺爾須於府曹省官中選之程伯玉 忠正施父集

出郊其事遂已先被旨點檢出城骨肉置局延真宫二 曹趙某者何曰得之矣屢有人薦使除職名即呼中使 司馬文季等數人同聲曰若求於省府官無如開封士 下供職指揮適當多事舍人行詞留滯未給告間車駕 邵澤民聞之走見何相薦官教耿洵填士曹之闕何曰 已除趙子昉盖初議畿憲不成復以此處之在外無日 具除目將上次日批旨正月初畫黄下吏部户部侍郎 月初天地大髮六宫皇族相繼取指軍前一日宋退翁

漢待元即之歸余 曰何人可托項有力量可保者退翁 欽定四庫全書 四 是日晚退翁作劄子詳言其事託余達之於尹瑶華舊 坐不容交談退翁於掌上書瑶華二字凭尹書几展手 催促應副退翁家謂余曰瑶華當祝尹深藏之以情垂 在州北城破遷之延寧官未幾延寧火尹議客歸之孟 胡明仲過延真率余同見府尹時有金使二人來府中 曰成里王某武之子內侍則邵成章既見尹適金使在 示之尹曰何為退翁曰藏之尹良久乃悟曰會得會得 忠正徳史集

首司帖子請召議事至崇政殿門外閣子中見王時雅 家兄令言問與孟氏議定兄舜徒也言問與孟氏親故 三好問馬鮮同坐時雍顧謂余曰煩公以畿内之事出 議誘之故邦昌敢任其責三月末問金人 舜徒委之言問後作垂蓋記備見本末後數日余得行 元即之歸其謀實始於此逮邦昌入城士大夫亦以此 氏私弟不欲在士庭之家也其後迎入禁中垂簾以待 日舊同官日言問見訪云朝廷議迎请元祐后歸禁中 **| 靳次引去**

界事無限且先理會東路抵備元帥之歸所以煩公正 之事須大家擔負余曰府官冗賤何預國論時雅怒甚 起立白時雅以私計不便不願就此時雜作色曰今日 余曰若於差權割子內備坐正月初指揮乃敢就職時 除目一紙示余除直秋閣京畿提刑兼權轉運副使 雅益怒面色變青徐取筆勾去直松閣字舜徒又曰府 又謂余曰府界職事府曹無領何害東有正月初成命 不復言舜徒恐敗作禍生謂時雅曰且只以府曹兼權

灰宝四事全書 西

忠正徳大集

提刑屬官孟某來於不記問知是后家因叩吕言問所 副公可條具申來余歸至晚得差權劄子循豫未決適 谁為之又無一錢支用時雅方發言曰此等事自當應 官兵極多須廣作蓆屋以待余曰府界無一人百姓使 軍前怨告今則盡簽過河更不留一人一騎在河南余 即将騎四出府界何以措手舜徒曰近遣從官數董至 為此也余曰聞金人留兵二萬屯河南武陽縣界如此 曰東路蹂践尤甚直抵南都更無片尾舜徒曰元即府

家資內尋看竟不得足余曰定在何日澤民曰數日前 **鐶頭面裝表內人就孟宅迎太后還內於諸人家抄割** 道恐亦非晚矣余既得此說走見户侍邵澤民問子細 秋宅四軍全書 騎尚有在青城者恐别有變生少隱忍數日為便令聞 使迎元即邦昌得書極惶恐便欲出居東府諸公謂敵 馬仲時調殿院已上書太宰相公請速出外第且乞遣 未及坐定澤民曰適自部中來朝廷要二十副珠子花 統孟曰此議已定某適離家時見街道司已在宅前治 忠正徳文集

之三衙一人從後來年知陛階真邦昌欲差班直數人 士曹之俸不受一錢供給令料錢歷可考也不數日太 既聞此始敢交職事畿憲公使造酒月給甚厚余只請 **徃余曰何寶澤民曰大宋受命之寳的當無如此者余** 後騎已過中年邦昌豈敢 適見邦昌自崇政殿門出循廊而南朱衣前導堂更随 母垂萬邦昌易服出外第垂簾之次日余到都堂白事 初議也如遣使則已發數革近又差謝任伯京捧實而 日留滞當亟请垂簾 次年四号下至了 图 實臨之 時雍所許者邦昌謂余曰要何用余對以盖造蓆屋以 后聖旨差權余然後方敢舉職又乞支降錢帛前日王 皆已退歸舊班余出劄子再申明所權執事次日降上 昌於都堂閣子對坐茶湯是時別無執政前日暫權者 尊衛邦昌踊身頓足大叫 曰公等如此不相如余見邦 備元即之歸邦昌取筆判依申支給前章謂余干王時 雅求京畿提刑又謂余有親奉王音之語則天地思神 忠正徳史集 九

萬生靈循机上之肉明年正二月間陝西大師范致虚 千冬金人分兩路渡河直抵畿内西自洛陽東至南都 謂勤王之師月餘城破敵分兵屯列城上下職城中百 不可以數計而優游自若無一人四首一顧者安得所 方萬里之遠郡縣櫛比官吏享厚俸兵級坐食衣糧者 **園之中仰視但見青天白日而道路不通中外斷絕四** 南自賴昌北至大河皆為金人占據京師在數千里重 權京畿提刑日糾集保甲以拒勤王之師 辯曰丙

ر ار

ħ

欽定四軍全書 提刑者何人 時敢退城開已數日速交職事敵騎已過鄭州二帝 約自相孫践死者盈路遺棄金帛鉅萬不可數計騎厚 戰南交鋒西兵敗走去京師猶在十程之外東南之兵 遣兵萬人使卒企宗将之出崎崛敵令西京所心兵迎 載而歸此則勤王之兵也時余在開封供職不知京畿 項自陳蔡稍逼咸平界遠望敵騎數百奔潰不可止 /淮甸盤桓不進三月間二聖已出郊趙子松總兵 八謂之保甲者安在也余得堂劄兼權憲漕 忠正徳文集

革出城迎待而光世由頻昌境上直超濟州後數日李 聞有保甲在京亦未嘗說及也隆祐垂簾之初劉光世 長源東領余從長源交割得之畿縣諸公悉來相見不 司自有武臣提刑專領余權攝時文臣見關係武憲汪 華見訪余始知光世之過也後章謂余權京畿提刑 里尾礫場中歸然一空城而已何勤王之有况保甲 遷渡河已久京師官吏悉趨元即府所謂京師者數千 項自鄜延來太母遣武臣提刑汪長源户部郎官李

次定四車全書 四 糾集在京保甲以拒勤王之兵則天地鬼神實臨之 路逢福副李田少右丞馮解展同舟南下相見舟中 什物內闊請後關到載往東界余至雍邱編排四中 物全闕次日得省劉具數申户部許於諸人家抄割 **散明提舉迎奉一行事務余見達明議事以驛頓什** 之後往來雅邱陳留水陸措置朝廷差中書舍人張 余初被權攝指揮專為措置東路奉迎元即自權領 余謂二公論京畿蹂践既酷即令猶有潰兵及饑民 忠正徳文集

報方朝廷節次行遣圍城諸人議論込込之時余敢 時暫兼權者能辨乞早差正官前來交割凡累申不 露章求罷而朝廷不聽其去自以權振始末可考朝 中都省以京畿措置就緒遠通軍静勞來安集恐非 嘯聚者時時出沒流民不得安業乞差兵彈壓等事 廷亦知之而不以為事也兼權之人凡有數等除別 即作又率京畿父老上表請車駕還闕至六月初余 一公深然之余遂率京畿父老上表勸進五月初上

读室四車全書 於落職而已有自從官權執政者已好問是也事體 馬解是也有自侍郎權尚書者謝克家邵溥是也上 青散置李田屯宗尹之流是也有自樞副陛右丞者 中欽師事狀之功也其後宰相議圍城之罪悉欲殺 其權執政日於圍城中募人間道指元即府客陳城 為最重泪上即位正除執政進退恩禮未當少段以 以罪,下外應執政官有自落職官觀而復舊物者皆 上終薄其罰者以預知城中始謀權立之詳也其 忠正徳文集

監者李佩之徒是也自郎官權卿少自館職權郎官 末當時權攝之人悉皆召用李田復入樞府謝克家 行在至八座而去余以開封右判官權京畿監司是 拜相此皆權局中情重而責降散置者禁份元不離 再為尚書相繼入參大政范宗尹召為中丞未踰年 不能盡記皆置而不問也泊車駕渡江之後洞照本 自開封少尹權都司者葉份之徒是也自監丞權少 為外補未當超獵比之諸人不猶愈乎邦昌之入城

調邦昌曰今日國祚不絕如線太宰受國厚思正是 昌下馬相揖入幕次请從官就坐邦昌属聲曰誰為 奉迎元師一面邀請元祐后垂策然後退就舊班且 論報之日謂宜勉何軍前之意欽退敵師即日遣官 員相伴遊說邦昌拒之甚堅余亦竊聞一二諸人初 也留守率百官用郊迎宰相禮見之於南薰門下邦 此謀公等各為妻子計乃欲宾邦昌亦族之地耶諸 惶恐無對乃請邦昌居尚書省留守司差從官十

次定四事全書

上正徳文集

誤矣元即府將相已備他日聞二帝北遷未必不便 失也諸人曰才聞師退急遣使勸進此亦一機會也 正位號唐明皇在蜀肅宗即位靈武投機之會不可 速議勸進既建大號未必不以為功也邦昌曰諸公 可户曉諸公不念邦昌有老母何諸人又曰今京畿 且本謀專為社稷計他時誰不相諒邦昌曰此事安 百萬生靈性命所係太宰設心如此天地神明亦必 知之邦昌初愿師退之後別生他愛既聞垂簾之議

欽定四庫全書 應副事冗自來集議等事才到便退未當干與乃使 退余與府僚先歸臺吏進攔且曰一城百萬生靈性 命决於今日官員門且更告他太宰衆謂之曰府中 士大夫建議紛紛邦昌拒之解亦甚敏辯其中一 老將校立庭中少項堂吏引邦昌出問子立柱廊上 及京城父老諸軍将校並赴尚書省官員立廳上父 謂眾曰不須如此便可山呼邦昌倉皇走避百官未 始有田意後兩日御史墨告報百官并寄居侍次官 卷九忠正徳文集

議曰聚所共知者惟日舜徒司馬文季又惜其忠賢 後敵移骸城中議所立者云選世有名德之人諸公 京為之火別有措置及為大患親刀謂斬也户曹李 沈 日少卿且低聲此語傳播愈更艱難矣初大變之 制而不為人所顧惜者如邦昌之流可也邦昌久在 之裔萬一為敵所污又見元祐之家一事當求一易 伯時回須教他做且是易制他時足以觀刀若使奏 之去出省門逢王伯時之小立語及邦昌堅拒之說 欽定四軍全書 若不成縱兵齊入不使一人得脫故邦昌之入在城 敵之謀臣曰莫若送之城中使自為計立一日限事 餘人露及相向且幹開口灌以粥飲而邦昌終不從 邦昌姓名以授之軍中喻以此命邦昌雜之甚哀切 之日晚議未决將欲變生宋齊愈預聞初議者遂書 吳正仲入城取指名狀城上四圍兵合張其勢以逼 軍中與敵相熟敵人之意亦在於此即遣翰林學士 以至號働悶絕仆地扶歸帳中不復食敵遣甲士百 忠正徳文集

雪環列城上鼓聲不絕天日昏暗風沙慘然士大夫 號於馬上至御廊幕次易服東望再拜是時甲午如 前行問門等盡用敵人邦昌乘馬出尚書省後門大 敵使随之至殿門五使先退恐庭中禮數有所未盡 相顧面無人色邦昌亦揮酒不已步自宣德西門入 之外敵使五人自南薰門入甲騎數千衛之捧册文 士展軍民祈哀萬種議既定有司告報百官集闕門 不欲見之相四避也邦昌陞殿倚西壁立百官随入

· 文定四車全書 香邦昌禮數南畢次日告報依舊制行香但無奉慰 既拜或起或伏仰視邦昌倚壁鞠躬側首北鹤殿中 門百官真事長揖階下從官登門即坐但以字相呼 之禮以此示都人以見意也後不復登殿止坐升陽 但設空御坐而已先是被圍之初有旨權罷國忌行 曰實為生靈本非婚竊官員將校等並不得拜百官 錯雜紛亂無復行列邦昌遣閤門一人下殿諭廷中 如執政見士大夫之禮事定敵議退師欲留兵三 出正徳文集

於迎奉隆祐還官敵退未旬日太后無策即日名元 恐緩急京城要用邦昌又解之既不敢留兵所以急 最為切當又自餘邦昌趨南都上践作封邦昌郡王 獨文公之在外漢家之業十世至光武以中與引益 謝表云姬旦攝成王之位意在存周紀信乘漢祖之 帥勸進權中書舍人汪潔行解有云晉獻之子九人 萬為衛邦昌慰辭之又欲留兵一萬也河南武陽界 車本期証焚此其本意也然其間舉措不為無失如

次定日事主書 图 欲食之死地而卒家發質獲保餘生皆君父之賜也 暫無權未當超陸未當增俸公麼不足比數宜其弗 禄仕可謂忠厚之風盛他之事矣况如余輩庶官時 飾以無為有如親奉玉音集保甲以拒王師之類火 以為罪奈何怨家雙人以此籍口得肆其毒增加緣 心故止及其身而置其家不問親族之家亦不絕其 迎隆祐稱宋太后之類敵騎雖未盡渡河敵聞之有 四戈之患後來誰肯委曲見察賴聖君在上憐其本 忠正徳文集

壽而已岳飛後進并生日禮數亦復不講某滴潮陽庚 福州張丞相處下書盖自福州至潮由循海入江西乃 **膘即日上道時岳飛在鄂州相去二十餘里何由通問** 廟堂諸公並相往還禮數唯遇生日以功德疏星香為 離交結叛將識者為之寒心 至當年十二月間得飛一書謝轉官而已來人云因過 申七月初一日指揮也初六日得明州公文繳到刑部 某滴潮陽岳飛自岳鄂以金五萬貫驢行某受之不 辯曰自渡江諸大將與

卷九

欽定四軍全書 貫之金須用兩人擎擔必不輕付須有管押之人令去 答書不以開省亦以通封公於謝之并來書復付來人 聞又得一書亦自福州經過賀年節書也某以謂既不 潮陽在申年冬末時猶總兵鎮上流也謂之交結叛將 岳飛案欽在酉年春末罷兵柄入樞府之後飛發書來 飛既死無由考證然天地思神實鑒臨之又即報坐到 獨去不曾開拆也書且不留何由有金五萬貫以五萬 其歸路某以通封公狀謝之未嘗答一字次年正月末 忠正德文集

褒又以十壺見贈適淮上諸将送精淮白數頭克犯十 見餉十二月得請奉祠寓居能仁寺過歲某始生之日 已前有書往還者皆謂之交結叛将可乎此不待辯而 月末罷政知紹與府冬至節士優以宗司瑞露酒十壺 因職事咨禀廟堂諸公义有書答之飛最速書解最勤 可乎况來書未嘗放封復還之形且諸将總兵在外每 可明者以事體頗重不得不一言也 士懷辛永宗赴闕各有賄遺請求 辯曰某戊午十

次年日号十五書 遺也二月初士褒來相别坐未定謂余曰昨日得臨安 宅庫有附子看數枚某尋以附子十枚送之此所謂胳 相知書云相公差知臨安非晚命下某聞之駭然謂傷 催促甚急緣腹疾未能起發而舉市無附子令專覆人 客至正月末間士優遣其子不議來訪某嘗差不議權 浙東屬官故仪衣直入書院見余云大人被差朝陵近 餘隻鶴犯十數對遂以白魚二頭作一合兔犯二隻鶴 十隻作 一合復贈士褒盖所以為答也某是時杜門謝 忠正徳文集

宗曰公過闕必對上不問即已萬一問及幸公以某疾 負聞已有消息矣其言與士優相符聞之憂甚亦謂永 差京畿提刑非晚前去且言相公必有重擔子與他擔 簡謝之因言適所奉慰舉家休戚所係幸公留念盖欲 以疾苦奏知此所謂請求也又數日辛永宗相訪云被 可免此外别無一語是晚褒有簡借坐紅至蕭山某田 不問則已萬一問及切告公以某所告未愈奏之庶幾 曰渴疾如此公所親見如何遠適公到闕便當奏事上

無之某平生立朝行已自有本末何至與此輩相往還 說以相齊陷爾如某以渴疾自引至於再三方蒙於允 告未愈奏之永宗曰會得會得至如崩遺之物雖滴 尤荷養顏之意是時亦未有論擊者不知所犯何罪未 思意深厚禮數優渥君臣之間初無間除至奉祠養疾 委何為請求此不必質於天地神明士大夫所共知不 待辯而明者以其事近早很故復言之 水宗挾舊怨且以某在紹與府待之不以禮故撰造此 忠正德文集

官兩員提舉凡一行公用什物之類及使人出入間探 萬貫充激賞次日朱丞相勝非将上進呈曰既開府便 除知樞密都督川陝荆襄軍馬既正謝奏乞先降錢 要錢用尋降錢一萬貫付庫次樁差使臣二人專監属 軍蒙支錢五十萬貫令在庫藏變易金銀寄椿俟臨行 盗用都督府錢十七萬貫 費皆出此錢收支請領各有所司畫一中乞入蜀傷 一割此物元不曾出庫至九月末留拜右相泊扈從親 辯曰某以甲寅八月初

一致 灰匹库 全言

卷儿.

というにという 支用及食錢之類節次下左藏庫關請二年之間不過 禮賞給既東諸路都督軍馬府庫官屬不改逐月請雜 征田遂以左藏庫寄椿錢五十萬支付韓世忠貼充大 盗用泊某再相督府已罷甚監庫使臣者猶在家院偶 而在內督府所總止於前數既無所管之錢不知從何 相專在外凡朝廷應副督府錢物盡歸行府無慮千萬 也初以二相兼督府一在內一時出視師謂之行府右 二萬貨而已自有提舉及監官主管收支文歷可考 比正徳史集

金丁口上八二百 來爾如親奉玉音之語及資善堂汲引親掌之誇皆出 難為認受人雖不知某便不知天地神明亦須知之 之某又不是趙相處得意之人将某趕出來事有不平 尾監庫雅某一人抬謂趙相私用庫錢一十七文亦無 廣坐憤然厲聲謂守体等回自初建督府以至減罷首 語頗流傳也此事初出於吕祉祉得於一要人達之言 因事斥去作處州兵鈴後見言章有十七萬之說郡中 者前來章中已有此事要人之意欲重人之罪恐其復

於此使某十年遷謫百口流落率由是也某當謂 出口某曰今士人中學識淵源人物為籍可以為師範 資善堂及引親黨 福小是族之禍深自古皆然怨嫌之禍既釋即已是 追謂某曰適得古事令相公擇資善堂官一員言才 如范沖者此言應口即答未嘗出於思慮當時止為 Dien Anther Tol)禍無有已時此其可畏也 先謂有他意則皇天后土實養臨之退亦思 乙外春資善既建同列留身奏 忠正德文集 Ī

金月工屋 生日世 舉朝內外皆以為得人後因臺諫諸人奏事 知為今日之患也然又有一 言獨自然日在內恐涉嫌誇遂又進擬朱震二人更直 目信弗疑不慮後患此則某之罪也命下泡沖力辭且 迅涉嫌謗又念古人內舉了)賢諸人 言語執政顧某喜動天顏某亦以此自喜不 八奏曰天生資善官二 以惟心飲血負屈衛免 事最為切害跡狀霭昧無 《避親之義於是言 人無與比者翌日 盛談

名終始之理弼深以為然日當子細論飛且語幕中諸 乃至於此退名飛随軍連使薛弼諭之日大將紀兵在 日奏乞立皇子此事非飛所宜與某奏日飛不循分守 欠こりうしいり 也若謂某結飛使之為此寧肯使人諭止之前替者 下村秀才教之公歸語慕中母令作此態非保全功 一與朝廷大事寧不避嫌飛武人不知為此殆 他日後替者謂某結飛欲以兵智 忠正徳文集

一秋再相適岳飛入朝奏事翌日上日飛昨

朝廷嗚呼詭人之言一何酷邪此自古人君惡聞之 今万五年八十三 無憾矣嗚呼皇天后土實臨鑒之 再見天日當瀝膽披肝一訴始未然後退就則發 己禍也尚頼君父慈憐得保首領非其幸敗

欽定四庫全書 吾歴觀京洛士大夫之 尺の一つここれる 一 至居士親書 人速之法令祭取諸家簡而可行者付之汝曹世世守 敢有違者非吾之後也紹興甲子歲四月十五日得 忠正徳文集卷十 項 家訓筆録 **閨門之内以孝友為先吾平日教子** 一家聚族既衆必立規式為私門 忠正徳丈集 趙冉 撰

為學正為此事前人 家範可各録 固難勉強唯康勤二字, 項 項 務願令已次 諸位中以最長 凡在仕宦以康勤為本人之 和則可以安身可以遠害矣 、遺訓子孫自有 **覧足以為法下** 口 人主管家事及收支 至康勤所以處已 **《議所同乃可** 才性各有短长 馬温 和課)和順 吉

金ダロルと言

第五項 第七項 第四項 訓 ていからしい 第六項 要如禮以其事祀酒食合族破盤 子弟堂前訓防件其改過甚者影堂前庭訓再犯再庭 項 歲時等祀主家者率諸位子弟協力排辦務 應本家田産等子子孫孫並不許分割自有 速思供養飯僧追薦如平日合族食素 旦望酌酒獻食如平日長幻畢集不得懈慢 子孫所為不肖敗壞家風仰主家者集諸位 忠正徳文集

第十項 金はないんとう 並不理口數不在分給之限 正條可以檢照遵守 五歳ヒト 一給骨肉女雖嫁未離家并壻甥並同其如 項 須商議 宅庫祖課次支等應干 **歳次租課諸位計口分給不論長切俱為** |給三之 十歲以上給半十五歲已 卷十 八通行簽押其餘非泛 文歷並汝支單

第十四項 月初據所次之 户緩急內有官人到官支住罷官到家仍舊支給 住所貴て 同計數分給椿留 項 項 項 遠墳壠 仕宦稍達俸 椿留錢歲終有餘即發 甲年所於 田産既工 製十分内橋留 忠正徳文集 許分割即世世為一户同處居 優厚自置田産養賠有餘 分即量增 以備門 出糶火索至丙年 祖課歷正初混

欽定四庫全書 四

得私役及非理凌虐 強行之則吾為有後矣 立為定式此在人義風何如耳能體吾均爱子孫之 即以分給者均濟諸位之用度不足或無餘者然不欲 **展或畫心所給錢米正初分給時撥出或季給或月** 善幹事能書等者令主管宅庫租課等事稍優其月 第十五項 八項 他日無使臣使與即於宣借內擇一 主管空庫人專管空庫應干事務諸位不

次定四軍全書 四 更令倍罰謂如私取十貫已就除十貫更就除十貫之 敢達者重行戒約及時私取錢物於分給數內姓除 第十九項 計算本宅並不認數 聚位子孫同簽頭引及主管宅庫人親身到彼方得於 如諸位子弟東私取索即不得應副如報支借将來 項 諸位子弟不得於管田人處私取祖課如 每歲次索租課預告報管田人候見本宅 罷官於他處寄居者更不分給租課 忠正徳文集

第二十項 期速近展一季分給如代者補填俟接人到據所展月 類 第二十|項 以書報一候到家日依舊分給所留不足即於椿留內在官者先候到家日依舊分給所留不足即於椿留內 貼支有餘撥入椿留歷 日於椿留貼支契勘當年有任滿者即約度計口存留 姬嫁每分各給五百貫足男女同 每正初契勘當年內如有合赴官者據閱 每正初合分給時即與勘當年內諸位

<u>'</u>

次でコマルショ 如祭祀品日旦望等名色不一難為預定仰主家者公 第二十四項 除資送禮物等已 第二十三項 椿留内支破其餘此小修造諸位自辨 第二十二項 辨務要如禮 費用並於椿留內支破主家者與本位子孫協力排 應婚嫁主家者主之有故以次人主之 增添人口展修房户等應有所費並 非泛支用除婚嫁資送等已有定數)給錢諸位自行措置外其進會及應 忠正徳文传

第二十六項 第二十五項 シードシしゅん 合言を 第二十七項 割外應吾所有資財依諸子法分給請子分 吾家自祖父以來相傳皆有則例人人能記不必具載 亦不必増損 共商量随事裁處務要適中兩無妨關 於紹興府租課內撥米二百石充嫁資 應祭祀品日旦望供養之物及禮數等 他日吾百年之後除田産房廊不許分 三十六娘吾所鍾爱他日吾百年之 ģ 後

從長措置行之 第三十項 舉雅是節儉一事最為美行司馬文公訓儉文人馬 第二十九項 古今遺訓子弟固有成書其詳不可緊 マスかしつ。 こうこと 第二十八項 立户名 本以為永遠之法 毫欺隱乃可率下不可以久遠不至敗壞家法 應該載不盡事件並仰主家者公共相度 同族義居唯是主家者持心公平無 品三徳二十つ

趙氏得姓於趙城始封之地晉趙成季其後也余家出 成李之為世居汾晉歷古仕宦不絕藝祖初征河東舉族 右三十項恐太繁更在臨時擇而行之大意止是應 與十四年九月初七日 規式冊中可以檢照遵守子孫世守之不得有違紹 産並不許分割每歲據所入計口分給其詳在私門 田産不許分割每歲計口分給約束應本家所有田 自誌筆録

金月日月十十十五

欽定四車全書 人 士弟崇寧五年也初調鳳州兩當尉次任岷州長道尉 太夫人樊氏躬自訓導二十一歲鄉里首薦明年登進 氏累贈素國夫人母樊氏累贈秦國夫人余四歲而孤 祖母李氏累贈秦國夫人祖累贈太師追封中國公祖 國太夫人樊氏憂服関調河南府洛陽縣靖康元年除 以勞改京秩調同州户曹次任河中府河東縣丞丁秦 母牛氏累贈秦國夫人父累贈太師追封秦國公母李 内徙居解州間喜縣今為聞喜縣人曽祖界贈太師曽 忠正徳文集

玉簽書樞宏院事十月引疾奉祠提舉臨安府洞霄宫 從駕平江九月除侍御史從駕越州十二月至明州除 御史中丞明年庚戌三月復還紹與五月除端明殿學 普寧寺行宫六月除左司諫七月改殿中侍御史八月 四月至行在所除司動員外郎五月從楊選建康對於 秋沿檄南渡寓居杭州遷朝奉大夫祠差主管洞霄宫 開封府士曹尋改右判官累遷朝請的賜鄉魚袋丁未)西春遷居衢州二月車駕渡江駐蹕錢塘是月被召

安二月遷左僕射兼樞密使都督諸路軍馬監修國史 兼樞家使十月扈從親征駐平江乙卯正月扈從還臨 荆襄軍馬九月充明堂大禮使是月末除尚書右僕射 三月杉江西安撫大使知洪州節制斬黃軍馬兼制置 府道改江東安撫大使知建康府節制盧壽軍馬癸丑 寓居衢州常山縣黄尚山水平寺五子十月除知平江 次已日至了書一人 大使甲寅二月召赴關奏事三月除太中大夫參知政 人月除知樞客院事充川陝宣撫使尋改都督川陝 忠正徳文集

知泉州四月落檢校官節度使依舊特進庚申五月請 與府十二月請祠除體泉觀使任便居住已未二月除 使兼侍讀九月授金紫光禄大夫尚書左僕射東樞家 充浙東安撫制置大使知紹與府丁已八月除萬壽觀 オニドンド 使監修國史戊午九月哲宗實録書成授特進十月引 疾除檢校少傅奉國軍節度使充浙東安撫大使知紹 丙辰九月扈從駐平江十二月引疾除觀文殿大學 个臨安府洞霄宫六月至明州怒溪縣七月責授

鎮自誌 次已四東全事 月 八月十二日終於貶所壽六十三得全居士趙元 節度副使潮州安置甲子十月移吉陽軍人 十五日至吉陽軍丙寅十 忠正徳文集

٠					オンドノて げんごする
					卷 十